

Piitowaanon̄ Tere 2

Piitonon̄ Tereya ano 2 kolooro.

Jen̄-asa-asari

Piitonon̄ Tere koi Kraistwaa alauruta balon̄ so rama ken̄giti, iyon̄oojon̄ ano liligon̄ keno. Tosianon̄ qaa soosooya mokolon̄ ejemba kuma soon̄ on̄on̄gitiwaaajon̄ laaligo soraaya mesaon̄ serowilin̄ nambon̄nambon̄ iwoi lan̄ ama men̄ laligogi. Boi takapolakaya ii Anutuwaa qaa baatanon̄ mende kema (2.10) jeulalan̄ (3.17) ama selegia mepeseen̄ (2.18) jaba-arambaran̄ (2.10) ama iyan̄giaa jaajaa laligogi. Kaiyakagianon̄ Jiisas qakooma mugi. Yon̄onon̄ mepaqepae ejemba godaqeqegia qaa laligon̄ waṣṣan̄waṣṣan̄ ejemba (2.3) looloria (2.18) jin̄jaun̄ men̄ on̄on̄gi. (3.3-4)

Piitonon̄ qaa ano nanamemen̄ iikawaajon̄ majakaka somata moma diṅgowaatiwaaajon̄ man̄ja qeṅ hamoqeqewaa kania jen̄ asarija. Uugia kuun̄ jen̄kootoya kokaen̄ ooro, “Anutu ano Pon̄ Jiisas Kraist ii on̄anon̄ moma laarin̄ oroma yorowo qokotaanin̄ lombo ii men̄ kamaan̄ ano afaan̄gowaa. Momo kaan̄a ii jembiri qaagoto, ejemba iyan̄giaa jaagianon̄ Jiisas iigi ejemba kuma on̄oma laligoroti, ii moma nin̄jogi karo monin̄. Kawaajon̄ mono laaligo soraaya laligon̄ gadokopa laaligo ano uuwoi ii gema qewu.”

Tosianon̄ kaparan̄ koma kokaen̄ lan̄ jen̄ ejemba kuma soon̄ on̄oma laligogi, “Kraistnon̄ mombo mende eleembaa.” Qaa ii jembiri qaaya. Piitonon̄ qaa iikawaajon̄ majakaka somata moma kitia kokaen̄ meleema jen̄ ooro, “Kraistnon̄ eleembaatiwaa kambaṅa qero ujiwaa tani kolooji, ii kokaembaaon̄a: Anutonon̄ ejemba ananaanon̄ga moṅnon̄ tiwilaawaatiwaaajon̄ mende mojato, kuuya anana uunana meleema siṅgisongo laaligonana mesaowombaajon̄ moma kaparan̄ komakeja.”

Buk kokawaa bakaya waṅa 4 ii kokaen̄:

Qaa mutuya 1.1-2

Anutonon̄ soraaya laligowombaajon̄ nonoono 1.3-21

Boi takapolakaya yon̄oo kaniagia 2.1-22

Tetegoyanon̄ Kraistnon̄ eleema kawaa 3.1-18

1 ¹Saimon Piito niinon onjowo qaa amin mobombaajon tere koi oojeŋ. Jiisas Kraistnon wasin nono aposol koloon welen qeŋ muŋ laligonkejeŋ. Beŋ Anutunananon Hamoqeŋe Toya Jiisas Kraist wasiro kamaaro iwaajon ama qaanana jeŋ tegoro solanjaniniŋ momalaarinananon kolooro. Onjo momalaari iikayadeeŋ buŋa qeŋ aogi sewaja uuta kolooro nono kaŋa simbawonjowo laligoju.

²Onjo Anutu ano Poŋnana Jiisas moma koton oronjuti, iyoronon mono kalenmoriana kelemaleleŋ onjoni luaenon laligowu. Kiaŋ.

Anutunon onjooti, iikanon mono kotiiŋ nambu.

³Anutunon asamararaŋ Toya akadamyawo kolooja. Kawaa so anana soraaya tataaŋkota koloon laligowonatiwaajon nonoono. Kania kaen moma yagoniŋ kaleŋ nonomakejiwaa kania kolooro. Anana laaligo kombombaŋa laligon uuwaa komagbiligbili tororo ambombaajon iwoi amamaaŋkebonjati, iwaa beŋ esunanon mono ii kuuya nonono bujananaga koloonkebaa.

⁴Asamararaŋ Toya iinon uunananon gawonja gawonja damuyawo meŋ kalaŋa kuuya nonomambaajon momakeja. Anutunon soomongo qaaya nononoti, iikawaa sewananon mono uuta kolooja. Onjo wala balombaa siingia kombombaŋa bologa tondu otaaŋ aŋgonjora uutanon laligogito, Anutunon onjo iikanondeeŋ metogon waŋgia somongoro. Kaen kolooro gadokopa laaligo serereŋ gema qewutiwaajon hamoqeŋe areŋa anota eja. Momo ano nanamemeŋ akadamyawo Anutuwaanon eji, iinon onjo iikawaa so letoma gbilia koloowutiwaajon kaparaŋ komakeja. Onjo soomongo qaaya somata qatawo iikanon qokotaajuti eeŋ, iinon mono inaaŋ onono mombo letoma Siwewaa akadamyua mokoloon buŋa qeŋ aon laligowuya. Akadamyua iikanon saanon rijojoon sokoma onjombaa.

⁵Anutuwaanon soomongo qaa kaŋa ejiwaajon ama onjo mono momalaariwaa honja koloon onono qendeema laligowu. Kaŋa laligowutiwaajon mono kaparaŋ koma zeŋ nama manja qeŋ laligowu. Honja koloon onjombaati, iikaen saanon Anutuwaa kania toroqen moma kotowuya. ⁶Momakootogianon somariiro saanon nanamemeŋgia toroqen galeŋ koma aonkebuya. Galeŋ koma aoaogianon somariiro saanon nama kotiiŋ lombo mokosiŋgon bosima laligowuya. Nama kotikotiigianon somariiro saanon mombo Anutuwaa jetaa so uuwaa komagbiligbili ama laligowuya.

⁷Uuwaa koma gbiligbiligianon koloon somariiro saanon uujopagianon seiuro uumeleeŋ alaurugia ala-ala meŋ kalaŋ koma aon laligowu. Uujopagianon seiuro saanon ejemba kuuya jopagon onjoma laligowu. ⁸Onjo Anutuwaa akadamyua kaŋa buŋa qeŋ aon meŋ seiŋ laligowuti eeŋ, mono gorosonja mende laligowu. Kaŋa qaagoto, akadamyua iikanon mono nemuŋ koma onono afaaŋgon Poŋnana Jiisas Kraistwaa kania moma

kotonj saanonj gawonj jegejja nama megij honjja koloonjkebaa. ⁹Saanonj koloonjkebaato, dakaya yonoononj Anutuwaaw akadamu kaanja mende en ononjji eerj, iyonoo momakootogianonj mono toroga kolooro bao jaagoo kaanja kemakuunjanjkuunj amakeju. Anutunonj singisionjgogia walaga songbano soraaya koloogiti, ii duduunj imowamo laligoju.

¹⁰Oo uumeleenj alauruna, Anutunonj meweengonj onjoma onoonoti, onj iikanonj riinj rindangonj nambutij eerj, mono kambanj mononj mende tama kamaanj kombuya. Kawaajonj onononj mono iikanonj kotakota rindangonj nambombaajonj kaparanj koma laligowu. ¹¹Kaenj ama laligogij Anutunonj injiuro sokono koma horonj onono Siwe gomanj naguyanonj kuuya tano saanongadeenj uutanonj ubuya. Pojnana Jiisas Kraistnonj Hamoqeqe ano bentotonj Toya koloaja. Iwaa bentotonj uutanonj ugi kambanj tetegoyaj qaa galenj koma onono oyanjboyanj koloonj laligowuya.

¹²Bunja qaa honjanonj kana kaanja qendeema ononjji, onj ii mono bunja qenj aonj iikanonj bonj qenj nama kotiiju. Kawaajonj qaa arenj jejenj, ii saanonj moma asarijuto, niinonj kilenj iikawaajonj kambanj so jenj gbilinj onjomambaajonj mojenj. ¹³Kaenj moma sele busu kokawaa kala kuunonj laligomanjatiwaa so qaa arenj ii duduuwubotiwaaajonj momogij jenj gbilinj kuunj onjomambaajonj mobe sokonja. ¹⁴Niinonj sele busuna kusugaj koi kala kuunj kaanja luluuma uulajawo komunj koomu gomanonj umanjati, kaenj moma yagojenj. Pojnana Jiisas Kraistnonj kaanjagadeenj buju qaa kaanjadeenj nisaano mobe. ¹⁵Qaa arenj kuma onjombeti, iikanonj uu wombogianonj ero niinonj goronj qenj koomu gomanonj kembe iikawaa gematanonj kaanjagadeenj ii saanonj kambanj so romonjonj laligowu. Niinonj iikawaajonj kotiiinj kaparanj komakejenj. Kiaj.

Kraistwaa asamararanj ii jaanananonj iima nanjonj jenkejonj.

¹⁶Pojnana Jiisas Kraistnonj qabunjaya uuta menj gawonj ku-usunjawo menj laligoroti, nonononj ii nononanaa jaanananonj suunj iima laligoninj. Kaenj laligonj iikawaa so ku-usunjaa kania ano eleema kawaatiwaa qaaya ii jenj asariinj onjoma laligoninj. Ii benj sosombanj sundu^a kaanja mende jembirij aninj roromongo girabogaj kaanja ii lanj mende otaanj laligoninj. ¹⁷^bNiinonj Jiisaswaa qabunjaya uuta ii nononano kokaenj kolooro iininj: Asamararanj Toya uuta iinonj qaa ijoro qaj kokaenj kolooro moro: “Ejaj koi neenaa wombo merana kolooro iwaajonj uunanonj qeangoro iimasiinj mojenj.” Kaenj ijoro moro Manj Anutunonj asamararanj muro akadamyaj bunja qenj aonj laligoro. ¹⁸Nonononj iwo baanja kowogaj kanonj uma laligoninj qaj iikanonj Siwenonjgaj kolooro moninj.

^a 1.16 Benj sosombanj iikawaa kania monj ii kokaenj: Momo ejemba yonoo uugianonj jembirij momo letono qaa kania kania lanj romonjonj gisomaso anj koloonjkeju.

^b 1.17-18 Mat 17.1-5; Maak 9.2-7; Luuk 9.28-35

¹⁹Gejatootoo ejemba waladeej Buŋa qaa jeŋ oogiti, ii kambaŋ kokaamba moma sorogon aŋgon koniŋ powowon kotakota koloon nononja. Kawaajon Buŋa Tere walagaa qaaya ii mono tororo geja ama buŋa qeŋ aon laligowu. Kiwanon goman siŋsiŋgoro asariŋkeji, gejatootoo qaa iikanon mono iikawaa so jeŋ asariŋ oŋomakeja. Oŋo iikawaa asasaganon qokotaan nambuti eeŋ, mono saanon Anutu-waa kana honja iima paŋgamambaa nanamemeŋa yakariŋ mesaon laligowu. Kaŋa laligon uma mambongi goman wengeran suluro gomaambawaa widia asugiro uuwombogianon asariwaa. Poŋnananon eleema kawaatiwaa widianon mono meŋ asariŋ oŋono iima Anutu-waa iwoi kuuya iima asaridaborowu.

²⁰Qaa waŋa mutuya koi mono moma asariŋ mende duduuwu: Balon ejemba moŋnon Buŋa Terewaa gejatootoo qaaya ii iyaŋaa roromonggo qaganon jeŋ asarimambaaŋon amamaaŋkebaa. ²¹Ii kokaembaaŋon amamaaŋkebaa: Balon ejemba mombaa uusiiŋanon kambaŋ moŋnon mende nemuŋ kono gejatootoo qaa kolooro jeŋi. Kaen qaagoto, Uŋa Toroyanon gejatootoo ejemba uugianon sololon oŋono Anutu-waa jetanonga qaa meŋ jeŋi. Kiaŋ.

Boi takapolakayanon mono laligon tiwilaawu.

2 ¹Gejatootoo ejemba takapolakaya ii kaŋagadeej Israel kanageso batugianon asugigi. Iikawaa so oŋoo batugianon boi soosooya kaŋagadeej asugiwuya. Asugin nama oŋoo momalaarigia tiwilaawaatiwaajon eŋkalolon qaa batuya batuya ii aasangoyanon meŋ batugianon kawuya. Somatanananon dowegia meroti, Poŋ ii kaŋagadeej qakooma muŋ iikaŋa kanon iyaŋgia kondeema aon uulaŋawo tiwilaawuya.

²Kaento, ii kilen ejemba seiseiyanon yoŋoonon serowiliŋ siligia otaan iyaŋgiaa jaajaa laligowuya. Kaŋa laligowuyatiwaajon ama ejembanon roromongogia aŋgi qetetaŋgoro uumeleembaa kana honjaajon mogi gamuyawo koloŋkebaa. ³Boi takapolakaya yoŋnonon mono otoko qaganon sundu kania kania jembiri (qaa aiseŋa) laŋ jeŋ seiŋ laligowuya. Kaŋa laligogi oŋnonon ii moma afaaŋgon monen iwoi meŋ kululuugi laŋ amanagaju meŋ laligowuya. Anutu-non ejemba kaŋa yoŋoo qaagia mono monowaa monoyanon jeŋ tegorota ironja meleeno qagianon ubaatiwaajon eja. Anutunon kondemondeema oŋomambaaŋon ataqaŋaŋ imowamo mende ambaato, hon toŋaga siimbobolo moma laligowuya.

⁴Kondemondeen koloowaatiwaa galeŋ meme qaa tosaŋa ii kokaen: Siwe gajoba tosianon Anutu-waa jeta qotogon siŋgisonggo aŋgiti, Anutunon ii mende iŋiima koboorto, hagon oŋono gere sianon emukanon kemegi. Hagon paŋgamaŋ ziwiziwi dutanon oŋooma aen gbadoŋon (tape) gbadoŋon oŋono. Gbadoŋon galeŋ koma oŋono qaagia jeŋ tegowaatiwaajon

mamboma ragita rama kouju. ⁵ Monowaa monoyanoj ejemba anjonjoragiawo namonoj laligogiti, Anutunonj ii kaanagadeen mende injiima koboorto, gboulu somata jero waama unuj turuj onono. Turuj ononoto, kilen eja Nooa iinonj uumeleembaa qaa jen nanamemenj dindinja ambutiwaajonj ama uukuuku menj onoma laligoroti, ii ano ejemba 7 ii laaligogia anjonj koma sopa somonjonj onono.

⁶ Kaanagadeen Sodom Gomora taonj woi ii tiwilaawaotiwaa qaaya jen tegonj gerenonj onoooro gere sogoragadeen eri. Ejemba anjonjoragiawo yonoojonj iwoi nomaenj koloowaati, iikawaa sareya iibutiwaajonj ii ano koloojao. ⁷ Gerenonj kuuya onoomambaajonj anoto, kilenj eja solanja Loot ii wala batugianonga metogonj anjonj koma muro. Jeulalanj ejemba serowilinj nambonambonj ama iyanjiaa jaajaa nanamemenj tosaanja tondu anji iima yonoojonj moma bolinj uuta kamaaro laligoro. ⁸ Eja solanja ii yonoo batugianonj laligonj nanamemenj jeulalanj kanjanawo iima moma laligoroti, iikawaajonj mono weenj so moma jinjingonj laligoro. Iwaa uuta solananonj mono suulanj boliro laligoro.

⁹ Galenj meme qaa jejeni, iikanonj Anutuwaawaa kania kokaenj qendeemakeja: Ponjonj ejemba Anutuwaawaa laaligo kombombaņa koma gbilinjkejonj, anana saanonj anjgobatononga metogonj wajnana somonjomambaajonj momakeja. Iikaanj momakejato, ejemba doogoya ii qaagiaa ironja meleeno qagianonj uro gajobaurutanonj galenj koma ononjgi laligowuya. Kaanja laligonj ugi kambanj somatanonj karo qaagia jen tegoro toroqenj siimbobolo moma laligowuya.

¹⁰ Ejemba selegiaa siinj kombombaņa bologa otaanj anjonjoragiawo koloonj jeulalanonj Anutuwaawaa ku-usunja menj kamaanj amakejuti, Anutunonj ii mono waladeen jen tegonj ononota siimbobolo somata moma laligowuya. Boi takapolakaya yonononj mono jaba-arambaranj qaganonj iyanjiaa jaajaa laligonj Siwewaa bensakonj kawali asamararangiawo eukanonj laligojuti, iyonoojonj sombugia mende momakeju. Ii qaago totoonto, ii kaanagadeen uuqe qaa tokoronjkota jen onomakeju.

¹¹ Kaenj amakejuto, Siwe gajoba ku-usungiwawo boi soosooya ii unjuugunj uuta koloojuti, ii kilenj Siwewaa bensakonj kawali ejemba ii Pombaa jaasewananonj qotogonj uuqe qaanonj tokoronjkota mende jen tegonj onomakeju.

¹² Gajoba yonononj kaenj mende amakejuto, ejemba yonononj selegia menj uma Buņa qaa mende moma kotonj ii kilenj yonoojonj uuqe qaa tokoronjkota lanj jenkeju. Oro soonja kaanja momakootogia honja mende kolooro oro laaligowaa siinj iwoi qerewenja iigadeen momakeju. Oro soonja ii koloogita ejembanonj lanj unjgi komunkejuti, iyonononj mono iikawaa so lansanj tompinj laligonj tiwilaawuya. Iyanjiaa siinj roromongogia

^c 2.5 Jen 6.1–7.24 ^d 2.6 Jen 19.24 ^e 2.7 Jen 19.1-16

ingonmangononon mono kondeema onongi tiwilaadaborowuya.

¹³Tosaana horon ureen ama onongi kakasilili mogito, Anutonon iyangiaa qaagiaa irona meleema onono siimbobolo iikayadeen qagianon ubaa. Uumeleen ononon uukalen qendeema aowombaajon ajoroon lomban angi boi takapolakaya yononon mono iikanon kaanagadeen kankeju. Kan dogogia asuganon qendeema iyangiaajonadeen romongon baonon newageen nepaqepalo nenkeju. Kaen ama onoo sele jewongia borona borona gamugiawo kaana kolooju. Iyangio sele busugiaa siina metogowombaajon ajoajoroo iwoi asasaganon ama serowilin asuganon ama lansan aisoonkeju. “Ziozwa eja toya koloojon,” jen tosia onoojon mende romongon tiligon onombombaa korisoro momakeju.^f

¹⁴Jaagianon kaisero jaajaa uun emba injiimakejuti, ii serowilingadeen ambombaajon momakeju. Serowilin iwoi ambombaa siina ii mende totoon mesaowombaajon momakeju. Ejemba kongbara komakejuti, ii horon onongi kana goraayanon kemegi horombobo men arogia mosomakeja. Otoko ama uuroromongogia kotakota iikanon eja. Kaen amakejutiwaajon Anutonon seigon onono tiwilaawuya.

¹⁵Yononon kana dindiina gema qen uusoosoo tintuan kema gejatootoo eja Balaam Beorwaa meria iwaa uugere kana otaankeju. Kere eja pon mononon Balaam Israel ejemba tiliqili ama onombaatiwaajon tawa muroti, uusiinanon mono monen ii memambaajon koloon muro. ¹⁶Koloon muroto, dongi mononon kilenayaajon terengon jen muro. Dongi qaa mende jejeta kanon mono eja aronon qaa jen gejatootoo eja iikawaa uusoo nanamemen ii somongon muro amamaaro.

¹⁷Ejemba yononon mono apu jaaya juuguya kaana tani laligoju. Raidimbon haamonon koosu omaya kona qaa ii utitii onomakeji, mono iikawaa so een lansan kema kankeju. Anutonon yonoojon pangaman ziwiziwiaa uutanon miri arengon ononoti, mono dutanon emukanon kemen laligon ubuya. ¹⁸Yononon gejajuju qaa omaya jen selegia men uma lan aweqawele ama terengonkeju. Sele busuwaa siingia kombombana bologa otaan serowilin nambonnambonon ejemba lan horon onomakeju. Tintuan laligojuti, tosianon iyonoo batugianonga olon kongiti, mono ii kele qanon kuun onongi kana goraayanon kemegi horombobo men arogia mosomakeja.

¹⁹Iwoi mononon ejemba mon somongon galen koma munkeji, iikawaa kasayanon mono ii somongoro ii tawaya qaa een welen qen laligoja. Iikawaa so boi takapolakaya yononon kele qaa kokaen lan jenkeju, “Ono mono nono toroqen nonongi saanon kasagia qaa solana (frie) koloon onoangiaa jaajaa laligowu.” Qaa kaen jenkejuto, ii kilen iyangio angonjoragiaa welenqeqeya koloon iikawaa kasanon laligoju.

^f 2.13 Boi yononon toron kaana asangon rajuto, wangogianon iyonoonon qagon jangowabo.

^g 2.15-16 Jan 22.4-35

²⁰Yonoo kaniagianoj kokaen dogoro laligoju: Poɽnana Jiisas Kraist Hamoqeqe Tonana ii moma kotonj iikaana kanonj balombaa nanamemen aɽgonjorayawo ii misinjonj gema qeɽgo mono mombo iikawaa kasanonj kokosiin aonj osinj raju. Kawaajonj kanakanaiyanonj kilenjkilenda laligogito, tetegoyanonj kileqileedaboronj laligoju. ²¹Anutunonj qaanana jeɽ tegoro solananiwombaa kania wala mende moma kotonj tompinj laligowuyaga, iikanonj mono afaana koloonj oɽonaga. Kaenj koloonagato, Buɽa ii oɽanonj inɽjogi kania moma kotogi buɽagiaga kolooro. Uugia meleema iikawaa gematanonj jojopanj qaa kowoga gema qegiti, iikanonj mono iwoi kanjanawo koloonj gamu qeɽ oɽomakeja. ²²^hGema qeɽ kokosiin aonj kamaan unjuroti, ii gbaqoosonj qaa honabonja woi iikawaa so kolooja. Qaa jeta monj ii kokaen, “Kasunonj loma mombo eleema loloɽa neɽkeja.” Qaa jeta monj ii kokaen, “Bao apu moriningo mono mombo eleema sumu pilinjpilinonj lugunj kemeɽ lomu aonkeja.” Kianj.

Ponj kawaatiwaa soomonjo qaa

3 ¹Oo wombo alauruna, niinonj tere indinj woi koi ambe oɽoononj kaja. Qaa jejeɽi, oɽo ii modaborojuto, niinonj Buɽa qaawaa honja koloowaatiwaaonj uugia soraaya ii kuunj jeɽ gbilinj oɽoma tere indina woi koi kokaembaajonj oojeɽ: ²Gejatootoo ejemba soraaya yonjononj eejanonj Buɽa qaa jeɽ laligogiti, ii mono duduuwubo. Kaanagadeen Ponj Hamoqeqe Toyanonj jeɽkooto nonono oɽoanɽiaa wasiwasi eja aposolurugia nonononj kuma oɽoninji, mono ii romonjonj koma gbilinj aonj meɽ laligowu. Kawaajonj niinonj qaa iikayadeen oowe indina woi kolooja.

³ⁱQaa mutuya monj ii kokaen moma asariwu: Kraistnonj eleemambaajonj ano kambanj tetegoya kanonj mepaqepae ejemba asugin nanamemeɽgianonj iyanɽiaa siinɽia kombombanja bologa ii otaan mepaqepae qaa jeɽ laligowuya. ⁴Tosianonj eleema kawaatiwaa qaa kokaen jeɽ qewagonj laligowu: “Kawaatiwaa soomonjo qaa ii mono dakanonj eja? Ambosakonananonj laligonj kouma komugiti, kambanj iikanonja iwoi monjonj mende meleeno kemero. Anutunonj Siwe namo mokoloonj orono ilawoila kuuya kanainj eroti, ii mono kaanjadeen eɽ kouro laligojonj.”

⁵^jKaenj jeɽ qaa kota koi duduunkeju: Anutunonj monowaa monoyanonj jeɽ kotonj qaayaa ku-usunanonj siwe namo mokoloonj orono. Kaanagadeen jeɽ kotooro apu deema horonj keɽgi apu uutanonja namo asugin kouro. Yonjononj qaa kota ii mojuoto, ii mende mojonj tani mondonj lanj jeɽ lolomonin amakeju. ⁶^kKanagenj jeɽ kotooro apu gboulunonj waama balonj tururo ejemba kambanj iikanonj namononj laligogiti, ii apu neɽ motonj komugi. ⁷Yonjononj apunonj unjuro komugito, namo sombinj

^h 2.22 Gba 26.11 ⁱ 3.3 Juud 18 ^j 3.5 Jen 1.6-9 ^k 3.6 Jen 7.11

kambanj kokaamba iriimakejoni, ii gerenonj tiwilaawaatiwaa so kolooja. Anutunonj iikawaa qaaya ii gbontonj gbontonj jej kotodabororota eja. Qaa iikawaa honja koloowaatiwaa kambanjonj kanj kuuro Anutunonj ejemba anjonjoragiawo laligowuti, iyonoo qaagia jej tegonj kondeema onono tiwilaawuya.

⁸ ^lKaerj koloowaato, wombo alauruna, nononano iininj gbani 1,000 ii kambanj koriga koloojato, Buŋa qaa motoonjgo koi mono mende duduuwu, “Weejj motoonjgo ii Pombaa jaasewanjonj gbani 1,000:baa so kolooja ano gbani 1,000 iiro weejj motoonjgowaa so kolooja.” ⁹ Pombaa soomonjgo qaa ii honjowo koloowaato, iikawaa kambanja ii tororo mende mojonj. Tosianonj kambanj ii qero ubaatiwaajonj romonjgonj lanj jenkeju. Anjo kambanja mende qero ubaato, moma mokosingonj ejemba kuuyanonj uunana meleembonjatiwaajonj mambomakeja. Moŋnonj gere sianonj kemebabotiwaajonj mono kaparanj komakeja.

¹⁰ ^mQaayaa honja koloowaato, Pombaa kaka kambanjonj mono yonjgoro meme ejawaa tani kanj kuuwaa. Ii obabanj kota banananonj riiro amamaawonja. Kambanj iikanonj namo sombimbaa iwoi ii-iita kuuya ii mono gere toonj jej sogoyagadeej ewaa. Weejj koiŋ, sengelao ano sombimbaa iwoiya kuuya ii juquma otonj jinjerereŋawo qama alinj qaombuya. Namu ano ejembanonj iwoi kuuya iikanonj menj anjgita eji, Anutunonj ii kuuya kondemondeema meleeno kemebaa. Kemej jej tegoro iwoi moŋ mende totoonj ewaa. Awawi totoonj!

¹¹ Ilawoila kuuya ii tani kaŋa juquma qaombutiwaajonj onjononj mono ejemba nomaanja koloonj laligogi sokonaga? Kawaajonj mono nanamemenj soraaya otaanj Kraist kaŋa koloonj laligowombaajonj koma gbilinj aonj laligowu. ¹² Onjo Anutuwwa kambanj somata ii kanj kuuwaatiwaajonj mamboma uulanjowo kawaatiwaa gawonja kaparanj koma menj laligoju. Kambanj iikanonj namowaa ilawoilaya ano weejj koiŋ, sengelao ano iwoiya ii gere toonj tanjururuj jewaa. Anutunonj sombimbaa ilawoilaya ii kuuya kondemondeeno juquma jedaborowaa. ¹³ ⁿKaerj jedaborowaato, Anutunonj iwoi asugiwaatiwaa qaa somonjgorota eji, nonononj iikawaa so namo sombinj dologa mokolonj orombaatiwaajonj mambomakejonj. Ii mokolonj orono iikanonj keuma nanamemenj dindinja otaanj laligowonja.

¹⁴ Oo wombo alauruna, onjo kambanj somata ii kanj kuuwaatiwaajonj mamboma laligoju. Kawaajonj mono kokaerj ambombaajonj kaparanj koma nambu: Uugia soraaya kolooro Anutunonj jewonjgia boronjaa qaaya moŋ mende mokolooro iwo ososogojutiwaajonj luaenonj laligowu. ¹⁵ Mamboma Poŋnanaa uu taniaajonj kokaerj romonjgonj laligowu: Iinonj onjo uugia meleema mombo letombutiwaa kambanja qej koriro uro mamboma

¹ 3.8 Ond 90.4 ^m 3.10 Mat 24.43; Luuk 12.39; 1 Tes 5.2; Isa 16.15 ⁿ 3.13 Ais 65.17; 66.22; Isa 21.1

oŋoma mokosiŋgoŋ laligoja. Wombo alanana Poolnoŋ kaanagadeeŋ qaa iikayadeeŋ ooŋ oŋonoto, Anutunonŋ momakooto uuta murotiwaa so qaa ii ooŋ oŋono. ¹⁶Iikawaa qaaya ii tereya kuuya kanonŋ jeŋ ooŋkejato, Buŋa Tereyaa uutanonŋ qaaya tosia ii lombotawo. Kawaajonŋ tosanonŋ ii moma asariwombaajonŋ janjarinŋ riinŋ bimooŋkeju. Poumapou ejemba konŋbara qeŋ kokobimbiniŋ lanŋ laligoŋkejuti, iyoŋononŋ tereya tereya ii tondu meeranŋoŋkeju. Iikawaa so Poolwaanonŋ qaa ii kaanagadeeŋ meleŋqeleeŋ aŋgi sipasipa koma sooŋkeja. Kaenŋ meeranŋonŋ nama iyanŋia meŋ bolinŋ aonŋ gere sianonŋ kemebuya.

¹⁷Yoŋononŋ kemebuto, wombo alauruna, oŋononŋ kaenŋ koloowaatiwaa qaaya ii mono waladeeŋ modaborogita laligoju. Kawaajonŋ mono oŋoanŋia galenŋ meŋ aonŋ laligowu. Jeulalanŋ ejemba kana soŋginŋ qiwitigoŋkejuti, oŋononŋ mono iyoŋoo kele qaagianonŋ horonŋ oŋono oŋotaanŋ jinŋaunŋ kembubo. Laaligowaa tando powowonŋ kotakota iikanonŋa kaenŋ ligisoonŋ tama kamaanŋ unŋwabo. ¹⁸Porŋnana Jiisaswaa kaleŋmorianonŋ nanjuti, iikanonŋ mono mombo toroqenŋ meŋ somariinŋ laligowu. Hamoqeŋe Tonana Kraistwaa kania moma kotojuti, ii mono toroqenŋ moma sororogonŋ laligowu. Ii mepeseeniŋ qatanonŋ kambanŋ kokaamba akadamuyawo koloonŋ kanagenŋ tetegoya qaa kaanŋ eŋ ubaa. Qaa ii oŋanonŋ.